

樂志堂詩集

余幼耽吟詠夙嗜謳歎間涉禠文尤喜儷體懵然門逕
絕鮮津梁擁邢邵之誤書奮沈璞之速藻迫遭家難竟
廢讀以彌年欲噉時名卽求工而鮮暇因循所寄作輟
靡常倖獲擅場之譽實匪顓門之詣屢致鉅公懸重哲

匠交推

謂阮文達翁常熟兩師相暨程中丞月川師徐侍郎惺庵師祁恭恪竹軒師

書誇慧

地文心句賞樂天行卷比和魯公之夙望特許傳衣豈
王侍中之逸才猥蒙倒屣遂如馮婦之搏虎實異僧繇
之畫龍時下筆而不休業叢稿之如束顧值羣鷗日至
社燕頻來事悔縛於蓮絲心苦穿於棘刺投溷慘異肱
篋意同鶴聲之句不存馬蹄之註亦竊高涼司鐸灘瀨

回帆陸氏弟荒米家船返李博士吟詩江上知豪客而
能迴謝舉羽沈稿波間詣釣臺而未哭行庵清闕往牒
編摩豈有大名端疑宿構譚景升之化書仍盜原未成
仙沈休文之別集定傳公然作賊嗟嗟游惟畿輔助鮮
江山讀未罄四部之圖編交未徧一時之豪傑輒稱作
者便詡傳人加以嵇康性懶燭武精亡獺祭未工虎頭
癡絕頻呼騶卒以對酒屑詣王門而鼓琴蠶麤之生計
轉忙鶯花之閒局間預買賦羣推園令草檄逕許陳琳
鬻文難冀草堂之賞擲笛定按黃洲之譜時彈毫而信
手與我周旋頻屬稿而愜心代人撰著猶多累句殆鮮

英篇江醴陵之錦段會貽鬼偏求索李樊南之襴襦誰
割已亦撻擗且也匪偕計吏於中年猶然落第拌作閒
居之拙宦連賦悼亡衛玠工愁劉琨傷亂賃廡遂無鴻
婦移家能比鹿門滄海不流牢記桑田之讖語武陵安
在輒寫桃源之畫圖穿冢定近要離逃禪暫學蘇晉杜
園無術仰屋奚爲時抱膝而學吟輒轉喉而觸諱睡有
游仙之好夢聞非破虜之捷音來日大難停雲在望覓
干將而說劍卜謨觴以蓄書未構小亭容編野史敢稱
名士且讀離騷瘦爭璧沼之羊飽任芘陵之蠹已然而
結習仍在摧燒忍言賦異太沖敢索序於元晏文如敬

禮擬求定於東阿

謂常熟師相暨何官保根雲師

聊當鈔胥統付刷氏

海隅多難天下皆兵敝帚自珍墮甑誰顧伍紫垣方伯

悠揚意寓弊借性成不晒梨穴屢促梓就品題實過藏

弄偏多

數十年來囑書舊作暨投贈香尙藏篋衍特檢還補入

喜逢當代桓譚自

比生前張翰都爲一集覆校彌慙縱覆甑以奚言如造

車而靡合存稿逮六旬初度轉不及少作流聞辦香惟

百粵先賢會未有隨如風範

南宋詞人劉隨如鎮居叢桂里見黃通志余久寓此

故及之

咸豐十一年歲次辛酉夏六月荷花生日自序於長壽

寺挈經丈室南海譚瑩玉生

樂志堂詩集卷一

南海 譚 瑩玉生撰

分江夜泊

春水漾春煙煙中泊畫船
鱗聲搖夢破燈影照愁先
花絮東風節帆檣暮雨天
客心孤迥甚江月背人圓

柳陰一首

柳陰晴日轉窗紗槐火新烹穀
雨茶燕子不來春又去
東風吹落海紅花

殘月一首

若問佳期亦有期芙蓉塘外月
圓時小樓夜夜聽秋雨

殘月如弓有所思

石灣

省墓彌年至分江本故鄉重華新廟字包老小祠堂野
店柴成塔荒園瓦作牆旱徵虞竹木

是歲竹與刺
桐皆作花

得雨

歲豐穰

院靜一首

院靜簾鉤偶一敲晝長仍借異書鈔依人可復埋頭讀
知己何須刎頸交來日大難終不信揚雲落拓任相嘲
昨宵風雨關珊甚幸未漂搖到破巢

晚晴二首

棄產營書事若何琴尊孤館輒高歌謝家田業宏微在
任昉賓朋到漑多湖海一竿誰料理風塵雙劍獨摩挲
撫時大有蒼茫感風雨如醫笠屐過

琴材焦尾定聞聲棋局中心總不平事到萬難唯跌宕
意存孤往儘分明豈因人熱勞相問誰得卿狂莫浪評
且食蛤蜊同下酒晚晴松月上簾旌

壬午除夕

紙帳蘆簾賦索居先生清興復何如門前債客多於腳
猶典殘釵購異書

詣劉寅甫師故居

山寺秋深哭拜遲
絺衣蘿壁夜聽詩
諒無劍掛徐君冢
待擬文鐫有道碑
一事未堪如屬望
九原何處更追隨
可憐胸有千行淚
醉後纔教一灑之

寄王子受

早聞時局似彈棋
悲憤無端亦太癡
未必神光無應劭
由來兄事比袁絲
林烏哺母聲偏樂
梁燕依人計可知
十載伶俜休復記
與君同是少孤兒

漸入中年感慨并
長如少日杜柴荆
伯鸞滅竈心先熱
敬仲分財術本精
論有絕交嵇叔夜
銘無思舊庾蘭成
轉船不怕風波險
搥鼓回帆月正明

寄夢秋

賦水仙詩得狀頭影園社事各千秋文章合讓劉司戶
名譽原推趙倚樓眼底滄桑憐小閱夢中花月話佳遊
茂陵屢聘相如渴積雨涔涔莫典裘

賦擬長楊又子虛逸才曠代註蟲魚天寒酒夢冰初合
年少風懷錦不如攜伎謝安仍避俗悼亡潘岳本閑居
傷春刻意悲秋慣黃葉聲中臥擁書

濂泉探梅

雲凍天欲暝月斜人未知峻嶒開夾澗蒼茫仄立多時
余未能高詠誰堪贈一枝拗花兼鶴去攜酒酌安期

與漢三夜話

葛鮑飛昇眷屬全巢由須辦買山錢謀生計拙思高隱
嘆逝神傷學散仙中酒病纏身似葉懷人愁攪夜如年
劉琨知己偏淪落共聽荒雞思悄然

贈李長卿布衣

知君原是謫仙才不復狂歌對酒杯遠勝焦先良可念
能爲孟博總堪哀晏嬰近市緣逾淡劉向傳經志未灰
寂寞草元亭圯盡蓬蒿三逕淨無埃

素馨同夢秋作

宛留青冢向黃昏搗麝成塵事可言便抵嬋娟真絕代

並傳名字各銷魂。單衫小扇人如玉。鬢朶釵梁月有痕。
金粉飄零千古在。馬嵬錦襪可同論。

石門

隆準定中原。臣佗帝南粵。割據雄風在。威靈想貽厥。五
世極荒淫。百年總消歇。將軍下滇水。呂相石門關。在德
不在險。山川非陡絕。偏師越鋒挫。當關突奚益。虎踞與
龍蟠。灰飛復烟滅。霸氣已黯然。將畧本無涉。興廢豈難
知。險易休重說。梟雄具彝訓。慘酷論勲業。水天各閒話。
茫茫半江月。

沈香浦

妻能負薪官擁絮珍重名香無用處載得心仍白水盟
投之物共清流去豈虞薏苡說明珠罪過風流同寫書
本無長物師攜鶴畧有遺貲愧剔魚廉介由來須闕助
卻因雅玩異平素度嶺早妨琛賸貽告天奚俟旃檀炷
檢點拋擲江水湄鷗鷺却立江神知蘆花夾岸清寒似
萍葉隨波漂蕩宜歸裝無石壓行篋誰信孤臣會宦越
迄今遺廟半凋零隔浦餘芬未消歇吁嗟乎香奩清供
本區區矯激過甚疑要譽不知古人勵心迹尤慎小物
嚴妻孥我來弔古貪泉非射鴨撈蝦撐釣艇賜金遺事
豔陸生擲視高風軼包拯停橈細數往來舟誰宦南中

賦倦遊歸帆過此真無愧咫尺津亭拾翠洲

又

歸帆已挂宦橐無閨閣生平應諒予偶然雅玩等蘭芷
豈犯清議論苞苴畱本不妨仍不必心事鬼神原可質
房敖未肅愧清流絲粟倘存欺暗室投之浦以沈香名
人往風微徹底清文犀翠羽知何物茅屋蘆簾了此生
金山珠海稱南庫黷貨相沿曾莫悟百粵循良屈指難
此邦名勝捫心駐更聞有浦屬臨高與君一例嫉貪饕
長大居然若寶藏求取頓覺生風濤漁樵指點維舟處
一瓣旃檀寄微慕祠前松竹細吹馨卻恐沈香還未去

嶺南荔枝詞 錄六十首

霞樹珠林今若何嶺南從古荔枝多憑君載酒村村去

綠葉蓬蓬隔一河

廣志荔枝樹大如桂綠葉蓬蓬冬夏榮茂

職貢初修南越王漢宮當日已親嘗鮫魚珍味應難並

贏得蒲桃錦百箱

西京雜記南越王尉佗獻高祖鮫魚荔枝高祖報以蒲桃錦

扶荔宮中扶荔生武皇移種自多情奇花異果原難得

扶竹扶桑枉並名

三輔黃圖漢武帝破南越建扶荔宮自交趾移植百株於庭偶一株稍茂

然終無花實丹鉛總錄此荔枝生曰扶荔者亦若扶竹扶桑云

粟米香瓜並熟時村南村北子離離兒童共唱新蟬叫

四月街頭賣荔枝

粟米果名新蟬叫荔枝熟嶺南諺也

出郭先經晚景園半塘南岸果皆繁三山大石紅相望

熟到陳村又李村

晚景園半塘南岸三山大石陳村李村皆村名

廣州東去是增城土潤沙高潮亦平家種荔枝三百樹

年年果熟問收成

荔枝以增城所產爲最土黃潤多沙潮味不到故荔枝絕美粵人謂下果

日收成

十里磯圍築稻田田邊博種荔枝先鳳卵龍丸多似穀

村村簫鼓慶豐年

廣州磯圍皆種荔枝龍眼龍眼用接荔枝用博以果多爲豐年

峽下人停水市舟丹林荔鬱隔山樓誰家占盡園亭美

不羨人封萬戶侯

東莞峽山西多荔枝林荔鬱蔽日有樓二十餘家其下販酥醪花果之屬

稱水市焉

二月枝頭已著花，村人護惜等桑麻。今年風雨知多少，

鄭重論錢判焙家。

荔枝二月而花，花時多電則實小，多雨則花腐，少雨則花液相膠而不實。

估者視其花而判之，是日買焙，其人名曰焙家。

黛葉綉枝品自佳，年來閩蜀愛相排。嶺南亦有楓亭種，

道是尙書舊日懷。

火山之屬有小華山，綠羅衣交几環三種。湛文簡公昔從楓亭懷核以歸。

所謂尙書懷也。

惠州丞相祠堂在一樹亭，亭種已分今日路。人說名果

大將軍與小將軍。

蘇公食荔枝引惠州太守東堂祠，故相陳文惠公堂下有公守植荔枝一

株，郡人謂之將軍樹。鄭熊廣中荔枝譜有大將軍、小將軍二樹。

花鳴風流憶漢朝，一枝穠豔已魂銷。紫雲閣外斜陽樹，

親見宮人倚畫燒

紫雲閣在城西劉銀所建見南海百詠

朦朧夜色照山紅
飛鼠飛來果易空
幾處竹寮敲竹夾

家家看果月明中

粵人謂蝙蝠曰飛鼠蔡譜荔枝熟時園家每破竹六七尺搖之答答然以

通蝙蝠之屬鄧原岳詩高結茅寮敲竹夾

玉局空留桂醕詞
豐湖荔熟憶當時
朝雲墓上魂應在

莫種間花種荔枝

由來香荔說新興
斂玉凝脂得未曾
花氣襲人渾不斷

更憐清似欲消冰

新興一種大如龍眼無核絕香名香荔

芍藥生憎喚可離
那堪名字作離支
勸郎莫斫舊枝盡

來歲嫩枝花恐遲

粵人當荔枝熟率以刀連枝斫取謂明歲嫩枝復生其實益美云

竹欄門外果欄開新向沙涌販荔回乘月落欄人買去

蒲葵傘下火干堆

廣州凡食物所聚皆曰欄果欄在竹欄門外販者買自欄中名曰落欄率

以蒲葵葉作傘市於其下

清海樓前月似冰賣花人點素馨燈香中照見猩紅色

聲價還應十倍增

清海軍樓宋元符二年柯述建見南海百詠

風骨傾城愛乍逢丹房絳膜一重重瓊漿未咽心先醉

不羨椰心酒百鍾

椰心空中有漿升許微有酒氣名曰椰酒

萬顆紅堆瑪瑙盤誰嫌內熱更分餐水浮子共凝冰子

沁到心脾六月寒

水浮子凝冰子皆荔枝名

一擔隨花入市先龍牙犀角並爭妍誰家欲買金釵子

好擲金釵當估錢

龍牙犀角金釵
子並荔枝名

一抹紅繒裹玉肪
釵頭風露更凝香
信安舊樹稱連理

莫憶王家十八娘

劉子翬詩釵頭風露一枝香
寰宇記廣州信安縣有連理荔枝

劉郎前度宴紅雲
香逐羅衣豔泥裙
今日紅雲紅似舊

莫教紅傍素馨墳

清異錄劉鋹每年設
紅雲宴正荔枝熟時

柳波涌外柳毵毵
十里香風送去帆
盈盈兩岸色相妒

畫舫人穿紅汗衫

柳波涌近
荔枝灣

南中五月荔枝天
白瘦紅消易一年
儂似荔花須護惜

郎如荔子卻輕圓

語曰荔枝惜
花龍眼惜子

原是海山仙子家
絳羅初解試紅紗
軒轅畢竟貪遊戲

折得鮮同豈薷花

杜陽雜編羅浮先生軒轅集年過數百而顏色不老宣宗召入內廷因語

京師無豈薷花及荔枝俄頃進二花皆連枝葉各數百鮮明芳潔如纔折下

開元舊事說明皇新曲翻成小部張今日珠江歌舞隊

何人解唱荔枝香

唐書禮樂志帝幸驪山楊貴妃生日命小部張樂長生殿奏新曲未有名

會南海進荔枝名曰荔枝香

蘿岡別有洞中天名種應論桂味先古寺梅花開歲歲

有人同話木犀禪

蘿岡洞村名夏荔冬梅皆以萬計其荔枝名種尤多有曰桂味者香如木

犀多產蘿坑寺內

碧紗輕束紫羅襦中有盈盈白玉膚何妨三日懷中貯

不是紅綃是綠珠

掛綠荔枝去殼懷之三日不變

豐湖處處荔枝肥明月灣頭錦繡圍戲摘虬珠偷打鴨

鴛鴦六六各驚飛

豐湖有明月灣

素馨香近美人家折果花前陰麗華小立午風吹鬢影

露花香似露頭花

素馨香露頭花皆荔枝名露頭花草名味香婦人以入油爲膏沐之飾荔枝

一種香似之故亦名露花

採得明珠欲贈歡春纖雙捧玉團團儂心自覺甜於蜜

笑姊真如水上酸

粵人謂荔枝甜曰上糖酸曰上水

女奴扶醉度迴廊賞夏纔經郭外莊莫怪紅潮暈雙頰

荔枝漿熱似檳榔

園荔新紅樹樹增花開花落信無憑朝來可有孤飛鶴

銜得雙頭到秣陵

秣陵孫稚明家養鶴數十中有一鶴飛去七日不歸口銜鮮荔枝一穗識

者皆云此東粵荔枝非閩種也見浪齋便錄

玉蘭花蕾蘊清香一縷靈檀暈蒂黃核小爭如無核好

何堪觸殼又雙房

山枝之美者多無核即有亦甚小近蒂一點檀暈微作核痕又多雙實大

如冊指長而不圓狀若玉蘭之蕾觸其殼即爆開成兩

主人選樹愛遲遲百鳥初肥正此時折取一枝紅似畫

滿園飛落是相思

荔枝熟時未經採摘百鳥徘徊不敢近廣志南海荔枝熟時百鳥肥相思

小鳥好食荔枝

翠袖朱裳絕代姿關心尤物到瓜時張喬買醉珠江夜

不妒紅妝妒玉肌

張喬明季珠江名伎

炎雲遠近映珠江
冰榭全開翡翠窗
不待一甌仙液薦
隔花凝望已無雙

進奉瓊山味較甜
土人珍重浸青鹽
非關欲老雞冠色

不使脂痕著手黏

海槎餘錄荔枝產於瓊山者曰進奉子核小而肉厚味甚佳土人摘食必

以淡鹽湯浸一宿則脂不黏手

羅浮樹樹似冬青
錦作峯巒繡作屏
疑是玳瑁紅翠下

風翻蠻果落經庭

竺法真登羅山疏曰羅浮荔枝似冬青紅翠鳥名

秋種香田春種茶
何如種樹作生涯
人誇今歲年時好

一子誰知已十花

扣舷低唱摸魚歌
人道鷺潭有白鷺
郎販荔枝輕打槳

儂心常祝定風波

荔枝花黃鵲鴿棲荔枝葉綠鷓鴣啼果箱迢遞臺關北

莫更移裝臘嶺西

賈人以板箱載荔枝龍眼曰果箱向秦關而北臘嶺而西者舟車弗絕

紅顆珍珠的的嬌明璫初解露輕綃南園客有文園渴
不飲金莖露不消

雅愛瓷甌一一擎星排珠綴各分明誰家貯在玻璃盃
紅水晶嵌碧水晶

招涼越國有明珠孔翠堂中笑玉壺紅入玳筵花欲避
一枝斜亞女珊瑚

赤露含漿樹樹甜傾林飽啖更無嫌園中昨下黃皮果

解飢何須藉海鹽

黃皮果名六月熟其漿酸可消食粵人與荔枝並進諺曰飢食荔枝飽食

黃皮徐燂荔枝譜謂食荔枝至數百顆或畏其飽點鹽少許噉之即消

崔媪奚勞小技偷相將花底弄星毬孩兒拳小終難握

笑折仙枝贈阿侯

夷堅志崔倅在廣州家有乳媪善爲小技一日抱嬰兒戲門前見有持福

荔枝過兒欲之不得媪曰我別有計乃取小金盒子置几上旋發視之則滿盒皆荔枝孩兒拳荔枝名

處士園芳冠粵中端皇手摘一枝紅風味至今雖獨異

血痕樹樹似江楓

宋端宗幸沙涌處士馬南寶家荔枝方熟帝手摘一枝後經摘處風味獨

殊人以爲異

梅關游客過來頻想爲南中果獨珍卻喜清名劉節度

寫成圖書送歸人

唐劉崇龜傳崇龜爲清海軍節度使姻親或干以財卒不答但寫荔枝

圖與

不意相逢酒座中南風香早亞東風阮咸槽是離支木

彈得江花有落紅

鄭能廣州荔枝譜一名不意子廣志荔枝木堅可取爲阮咸槽彈棋局

火齊如山初下時黃蟲石背早先知尤憐山下鬼蝴蝶

不逐山花逐荔枝

黃蟲石背荔枝蟲也桂海虞衡志鬼蝴蝶一名鬼車大如扇四翅好飛荔

上枝

蓮花岡接荔枝山舊樹何年一一刪好植狀元紅百本

早畱清蔭在人間

荔枝山在烏涌接蓮花岡然已無荔枝矣莊滋圃相國墓在其後狀元紅

荔枝名

巴圖閩譜各搜奇野客還矜絕妙詞東粵文章誰抗手

曲紅賦後長公詩

優劣由來莫定評南中品第更誰爭竹垞自是平章老

降紫頰紅論最平

朱錫鬯曰荔枝以粵中所產掛綠爲最福州之佳者尙未敵嶺南之黑葉

而蔡譜乃云廣南精好者僅比東閩之下是亦鄉曲之見也云云

養樹今年食果遲鄰村相約過傾后家中荔錦猶成朶

莫問山前錦荔枝

凡荔枝龍眼一年多則一年少閩中謂之歇枝廣中謂之養樹農書荔枝

成朶晒乾者名荔錦高濂草花譜錦荔枝草本藤蔓生果若荔枝色念紅肉甜可食按此卽南中苦瓜北產稍短黃時畧似荔枝

故名肉卽瓢也

白曬年年作越裝村人尤愛漬蜂糖福州紅鹽漫相詡

家有重臺紫佛桑

山蜜曰蜂糖蔡譜紅鹽之法以鹽梅浸佛桑花爲紅漿投荔枝漬之曝乾

色紅
而甘

藏得鮮紅數月遲棕包竹裏卻何癡小分黃蠟封枝蒂

更覺名呼小蠟宜

棕包竹裏閩中藏荔枝法也見鄧慶宋書粵人得藏荔枝之法就樹剪摘

完好者畱蒂少許蠟封之浸以蜜水經數月色味不變小蠟荔枝名

荔枝譜人人說太真亮功紅寫墨華新老成今日傷凋謝

砭蔡鍼徐佖粵人

聞溫篔坡先生著有嶺南荔枝譜老學菴筆記余深罷政居福州第中有

荔枝枝絕大而美名曰亮功紅亮功深家御書閣名也鄧慶棠荔枝譜序未敢鍼徐砭蔡

自賦新詞一百章風枝露葉費評量誰知本是吾家果

姓字早推譚世祥

譚世祥荔枝名產端溪峽下

春日出北門偶憩田家漫賦

白雲

山名

蜿蜒來羣山鬱蒼蒼霸氣黯然收人傳歌舞岡

巍峩鎮海樓一角明斜陽北門分大小是處酣春光樹
影環礮臺草色綠女牆款步流花橋酒旗官道旁籬落
種山花離離彌覺香

聚落兩三家依山或傍水入春無幾日田水綠瀾瀾年
來米價賤市販多歡喜飯牛竹寮外放鴨橫塘裏殆卽
桃花源誅茅卜居此半郭復半郊庾詵差可擬

木棉漫山紅嶺海得大觀嶺北無此花效顰良獨難嫩
晴天氣佳釀煖不復寒萬山合一碧碎翦流霞丹十丈
珊瑚枝欲拂無釣竿氣格真英雄伫望停驢鞍自慚凡

草木興感非無端

南濠曲

南濠濠水通珠江珠兒珠女總延香一濠東西水凝碧
萬井人家春渺茫臨濠往日銷魂地四百年前人尙記
銀櫳繡戶瞰銅街綺榭雕楹裝錦肆隱隱雙橋暮雨遲
盈盈一水朝霞媚選舞徵歌樂未央稚齒韶顏宛列行
畫船公子樽前夢桂楫佳人鏡裏粧緩緩尋花遙夜泊
扶闌未展銷金幙導客爭移茉莉燈背人解勸玻璃杓
紅豆拋殘曲未停素馨開遍鬢重掠半篙新漲秣陵舟
二分明月揚州郭端午游人張水嬉羽蓋蜺旌去故遲

夾水嬋娟照形影捲簾璫珥生光輝文禽倒挂綠鸚鵡
名果亂拋紅荔枝前朝樂事同朝露剩粉零香渺何處
曲岸難容畫鷁移芳隄無復嬌鶯住南過人誰感昔游
東流水獨如前度瑣第叢臺迹久湮臨流相憶卻沾巾
第三橋畔花成海十二樓中玉似塵聊爲南濠歌一闋
自憐才調愧孫賁

動石

今不知其處宋方孚若
南海百詠有此詩和作

高山雖可移石動亦云怪日聞人叱之靈根恐終壞古
木兀立山蒼蒼石亦森然如倔強此石何年忽恇怯聞
人聲欲走且僵山中游人日踵至轉圓視爾爲兒戲爾

胡不若金華石室旁一叱化作千蹄羊爾胡不若桂陽
之逃石飛來自向臨江立爾胡不若葛仙煉丹之所遺
畱鎖茲山長不移唯諾隨人乃宛轉以石名爾烏當之
由來定力生至勇腳跟牢若邱山重君不見屹然砥柱
當中流萬古風濤不可動

水仙花六首

霧鬢煙鬢月有痕西湖祠廟舊精魂共盟止水非今日
不踐陳泥又此番去住飄零隨所遇高寒位置與誰論
年年小閣華嚴劫縱屈盆山暫托根

可人疑玉自亭亭燕寢聞香酒頓醒初度春風原蘊藉

三生片石各瓏玲
銀櫳珠閣花宜稱
月地雲堦事杳冥
絕憶元宵游侶散
茜紗牕隔短檠青

芳蘭竟體玉精神
游戲塵寰了宿因
日煖藍田珠有淚
波微洛浦襪生塵
低垂翠袖仍寒夜
久照香鬢絕代人
暮雨朝雲相接恨
年時不是此花身

默撫焦桐一再彈
隔花人遠望姍姍
西池宮殿朝參懶
北渚風波下降難
坐對臨摹宜玉版
翛然裝束學黃冠
轉移莫笑無根蒂
雪梳冰甌閱歲寒

碾玉團冰恐未成
試鐙庭院見分明
含愁欲語香雲熱
顧影誰憐淺水平
孤月前身唯數汝
百花生日不逢卿

嬋娟耐冷春將老，羽葆蛻衣返碧城。

清淺蓬萊度度逢，優曇湧現露華濃。美人遲暮存金粉，
香界莊嚴供玉容。羅袂無聲風惻惻，瑤簪初墮月溶溶。
真靈位業無人識，秋菊寒泉渺莫從。

西園吟社第一集用樂府題作唐體十二首同集
者能笛江徐鐵孫兩孝廉梁子春徐夢秋鄧心
蓮鄭棉舟四茂才

有所思

久別轉無夢，聞君西入秦。如何難識地，偏住所思人。決
絕言當悔，迴環日幾巡。闌干空伫立，凝睇一沾巾。

又

之子遠從役何年歸洞房凝塵冰簟冷零露鐵衣涼凜凜歲云暮遲遲夜未央肯愁誰與贈辛苦織流黃

又

昔同形伴影今遽遠分離別後反疑妾夢中還與誰何堪絕塞去動以永年期學織迴文錦相思君或知

關山月

邊月照人愁寒光遍隴頭胡沙千里雪戰壘一輪秋聞角何曾寐寒帷可自由故園同此夜少婦莫登樓

又

驕虜莫臨邊登陣易控弦似憐窮塞苦特照戰場先大
漠寒遼絕孤城夜悄然十年征戍久能憶幾回圓

又

莽莽萬重山連宵月一彎如輪復似鏡何日唱刀環虜
騎窺青海征人戍玉關寒光照闔闔非復舊朱顏

紫驪馬

憶郎騎馬去玉勒尙依然躩蹠能千里馳驅竟十年入
門知驟喜行路替相憐一例封侯夢烏啼月正圓

又

紫驪原駿馬伏櫪更誰尋生死真堪託功名與一心驕

嘶邊月慘酣戰陣雲深牝牡驪黃辨由來笑賞音

又

何當仗筋力先爲斬樓蘭度磧流沙遠回營朔雪寒此
材如款段合隊慶平安倘記臨歧送殷勤束繡鞍

劉生

同姓卿原貴偏知倜儻名閭閻聞大俠朝亡命專征畱
客剛投轄憂時屢請纓五陵佳氣在狐兔敢橫行

又

君原隆準後漢法不能拘爾汝論恩怨鄉邦共有無悲
愉輕性命蹤跡溷屠酤訪舊時攜劍關山雪載塗

又

本是王孫貴，羞同外戚家。性情原跌宕，交際獨豪華。時袖青萍劍，剛停白鼻騮。諒無不平事，扶醉擁如花。

折楊柳

楊柳帶春風，征人恨不同。誰言攀折慣，人老別離中。飛絮縈紅袖，長條拂玉驄。青青濃蔭在，其奈各西東。

又

春與人俱老，離亭落照黃。何堪妾命薄，偏覺柳絲長。折贈當人攜手，別離知斷腸。東風正無賴，花絮各顛狂。

又

亭畔垂楊柳何曾管別離無緣繫金勒反拗作鞭絲偶
復吹橫笛君當贈一枝紛紛花絮亂正妾斷腸時

關隴吟

昔時關隴險今總屬中原款塞城池壯開邊壁壘存萬
山誰託足一水最銷魂瓜代承平事封侯未敢言

又

秦關雄百二從古帝王州歷代防邊策中原款塞愁鬱
盤山絕險幽咽水環流今日承平久非緣相不侯

又

隴水聲嗚咽西流竟不還昔開都護府齊保賀蘭山校

尉原征虜將軍又出關宵來聽達曙頓使鬢毛斑

梅花落

幽夢乍忪惺東風卻不停報春原蘊藉和雪總飄零
砌欄誰倚銀櫳戶半肩笛聲剛入破淒緊忍同聽

又

梅花且未落畱取雪中看孤客動離緒四山增莫寒
此時吹玉笛如雨撲征鞍一別燕臺去相思折贈難

又

梅花千百樹珍重報春回特備金尊賞偏教玉笛催
疑冰復似雪已落轉憐開點額壽陽慣蹶然臨鏡臺

從軍樂

問君胡不樂未信靖妖氛射雁衝寒雪呼鷹帶夕曛相
隨真壯士誰隸故將軍三十登壇早凌煙共策勳

又

欲報君恩重年年往玉關驪然思死戰誰復望生還破
陣原豪宕擒王笑等閒封侯畫麟閣殊寵念先刪

又

何不佩吳鉤勳名可自由衛青曾尙主李蔡亦封侯仁
望誰銷印從容日打毬未知邊塞苦年少夢并州

明妃怨

漢家公主貴聞說嫁烏孫善畫均形似瀕行總斷魂錦
車原一例紈扇可同論永憶長門恨誰言絕域冤

又

豈被嬋娟誤昭陽奉帚人由來到中葉失計獨和親宮
掖無殊寵風沙總夙因隴西飛將在妾願並爲塵

又

酪渾當去珍錯氍毹換綺羅和蕃妾命薄歸漢主恩多
圖畫千秋在琵琶一曲歌男兒李都尉躬自執干戈

古意

佳期當七夕終夜盼銀河烏鵲靈如此蜘蛛巧孰多恨

偏如缺月詞可託微波天末涼風起流光信擲梭

又

春曉紅襟燕涼宵的脰烏水邊歌芍藥山上采藤蕪時
序更寒燠音書定有無莫愁今不見空對莫愁湖

又

別離辭舊國征戍客殊方哺母烏棲樹將雛燕傍梁君
原非蕩子妾亦豈名倡刀尺催何急城南夜正長

難忘曲

曉日射雕梁盈盈出畫堂舊傳三婦豔新仿六宮粧勻
藥容相贈芙蓉儼列行蓬山無限恨相憶莫相忘

又

端合貯娉婷
簾垂繡闥
扇迴廊
春寂寂
深院晝冥冥
紫貝虹文柱
明螺梵字
樺綠楊遮不住
長笛記曾聽

又

雲鬢覺堆雅
如煙隔碧紗
門前烏柏樹
池畔紫藤花
閃殘燈燄落
落好月華
去年元夕節
何處美人家

長安道

校射長楊苑
分屯細柳營
有人圖職貢
一統繼元明
貴戚多勳舊
通侯盡老成
二分塵土遍
車馬早朝聲

又

旅食人爭笑荆高舊酒徒華戎欽 帝範山海鞏 皇
圖裘馬思游俠風塵閱路塗不求元宴序流寓賦三都

又

踏遍軟紅塵看花也算春八方都會處一輩宦游人絲
竹東山感冠裳北地新焉能生四角輾轉但車輪

西園吟社第二集詠扇五絕

錄十五首

質本輕羅製逢秋可自由萬難如羽扇作箭守潭州
不僅揮蠅用依然任匪輕奈何元相在絕鮮武儒衡
劉祥非不遜舉止見先羞司徒寒士類障面殺袁劉
朝權能自執帝舅復奚爲風塵人自污仄獨責庾元規

王郎不會歌卽歌知爲誰本來非愛好去 捶撻謝芳姿

如何錯到底復作不徹頭放翁曾畫石竹柄舊風流

景秀畫奇絕原非顧陸能年來賜何戢蟬雀太尋恆

新製合歡扇名偏署擁身人言似梁冀跋扈漢將軍

豈有李哥奴不譖張文獻何必羽毛奇篋中均所願

揚風尉黎庶珍重以贈行歲歲冶城餞循吏誰袁宏

扇手都如玉塵封簇蝶裙端明今老去依舊憶朝雲

新製齊紈扇團團如月好龍皮空豔說世有王元寶

草驢騎秃尾方麴障何心人如魯漫漢誰記遇楊惜

京兆無威儀便面偶拊馬有司列彈章竟例畫眉者

求舊匪臆說言徵劉劭先縱被風吹動承恩定宛然

偶然作

瓜牛吾亦愛吾廬俗事中年漸屏除如此風神宜縱酒
早知窮達永耽書鬢絲未換情誰懺髀肉能生福也虛
便擬逃禪還未屑一燈相對嫩寒初

篷窗

篷窗團坐亦天涯翦翦新涼病轉加縞袂青裙雙槳浪
雨絲風片一船花無聊倍易增秋感但醉何能閱歲華
知在第三橋下泊夕陽髡柳漸歸雅

西園吟社第三集珠江秋禊

冶游何必豔陽天江景空明特可憐節似重三人絕麗

秋逢二七月剛圓小紅低唱誰新作

謂銘山孝廉

慘綠依然

尙少年請看道旁楊柳樹濃陰仍撲總宜船

中元燈月湧江流心跡雙清似白鷗風雨懷人都入社

謂石華廣文心齋孝廉君謨茂才

江湖載酒本宜秋星房霧閣千枝笛

寶曆羅裙一葉舟俯仰不無身世感捲簾獨倚水明樓
東晉高蹤不可攀風沿鄭國未須刪鶯花局展瓜筵代
龍荔民先菊社閒放眼薜蘿珪組外置身游俠隱淪間
魯都誰泥劉楨賦泛月珠湄恣往還

牧之船祇載圖書海闊天空縱所如座有絃歌寫哀樂

飲耽文字稱簪裾青樓薄倖名誰博黃閣雍容願更虛
道士種桃偏淨盡兔葵燕麥總愁予

把臂相期並入林中郎琴篋待知音半帆始悟華嚴劫

賞雨茅屋集有長壽寺半帆脩禩序五鼎難忘富貴心斗轉參橫秋瑟瑟

酒闌燈爍月沈沈大呼前輩青蓮死萬籟無聲攪苦吟

西園吟社第四集秋草四首

滿目蒼茫漸不如鷓鴣淺井閉門居簾櫳暮雨君平巷
几榻狂花仲蔚廬霜露頓令風景異蓬蒿原與俗情疎
宵深偶作封侯夢恐笑從無長者車

東風迴首易淹留南浦重經獨寫憂絡緯夕陽籬菊靜

蟪蛄涼月井梧愁豈唯春夢思子季縱有陳根憶舊游
瓊瓊榮枯何足問乍聽鷓鴣早驚秋

慘綠何人尙少年褰腰誰記豔陽天放鷹盤馬黃榆塞
驅雀迎貓紫芋田行卷文章如白傅幽栖生活似焦先
寸心欲報春暉切寒食瀧岡待表阡

蕙折蘭摧孰重輕卽爲蕭艾卽敷榮蕪城慣觸興亡感
孤豕能同氣數爭珠履愁添崔國輔青袍妒殺庾蘭成
出山原亦關時命小草何曾博二名

又

愁如春草已難量况值秋深草不芳似此愈應思遠道

爲誰猶自遠斜廊滿幫有夢聽聽雨點屐無聲逕履霜
化作流螢飛去盡不畱相照解明璫

紛飛黃蝶遍西園樹古池平畫掩門欄角無人同望遠
天涯逢汝益銷魂蘼蕪曲裏春如夢鷓鴣聲中日又昏
自是不歸歸卽得萋萋曾共怨王孫

更無燕子與徘徊寒食誰澆酒一杯樹背誰言憂可忘
拔心仍恐事難回重陽渡口芙蓉老七夕堦前蟋蟀哀
不信年來行迹少至今無地長莓苔

經霜百卉總離披浪說園花色易萎隨意綠知何處所
傷心碧認去年時金釵拋擲無消息雕幃駢羅足別離

博得閒庭青冢似歸來重與說相思

重陽日舟中作

空濛煙樹絢秋光冷雨疎風儘日忙
落拓江湖誰送酒
選花船裏過重陽

晚晴秋色轉清華睡起推篷看落霞
自笑年來塵撲面
久無情緒覓黃花

讀魏武本紀

事並高光可厚非建安橫槊筆如飛
誰知反墮文章劫
生有陳琳死陸機

西園吟社第五集黃葉四首

疎林竟日戰西風秋色蒼茫樹樹同
經雨或能畱慘綠
著霜仍未變妖紅
辭柯已闕飄零苦
寫望休誇點綴工
多少寒蟬淒斷處
板橋衰柳碧叢叢

放眼平皋綠意悽
隨風飄墮各東西
水村山郭寒煙瘦
短驛輕郵夕照低
著色無多偏慘淡
含愁欲落轉淒迷
倩誰繪出征途况
破帽殘衫病馬嘶

蕭蕭枝上不勝寒
未盡凋零落也難
槁木尙畱生意在
秋山如帶病容看
著書人老林邊屋
獵畫僧凭寺角欄
一夜打門聲似雨
月華低照露痕乾

姹紫嫣紅不自持
成陰綠葉也離披
菊芳敢與爭榮悴

楓豔原譏任轉移已墮怕隨東逝水欲飛誰戀最高枝
春光漏洩重來信搖落須深冀本思

送徐鐵孫孝廉計偕入都三首

重結僧寮翰墨緣忽聞君著祖生鞭青山紅樹需吟伴
扇影鬢絲豔別筵節近最憐籬菊晚情濃已逐海棠顛
何堪紙醉金迷後一聽驅歌思悄然

風節文章敢抗衡稱詩豪氣挾幽并愛才一代推徐樂
滅刺當年愧正平就道冷裝仍未辦依人長鋏詎聞聲
橙黃橘綠輕帆穩借橙
貢行一路吹香到鳳城

建安橫槊夙推公滄海橫流見兩雄

兼謂節
江孝廉

交到忘形

偏落落別緣知己故匆匆撫時憂國言何切

誦近詩言河漕事甚

悉握手論心酒易空多少野花誰繾綣杏林催折一枝

紅

歸舟卽事同夢秋作

斜抱琵琶緩緩歌天風吹水水增波美人明月齊相送
銷得人生豔福多

熊笛江孝廉計偕之京走筆賦長律贈之

戢羽空林病鶴同看人翻作北征鴻論才久已無餘子
賦別仍然舊阿蒙陡觸離懷休共訴須知文福本難窮
獨憐土銚油燈味祇在停雲想像中

空囊檢點賣書錢，潤色行裝路八千。
藥裹茶巾詩境換，米珠薪桂別情牽。
泉刀感激誰知己，琴劍飄零動隔年。
我欲閉關兼頌酒，棄繻乘傳讓君先。

年來交誼數顏

君鐵猷徐孫

死別生離分索居，玉折蘭摧蕭

寺淚風餐水宿異鄉書，燕臺此去應聯袂。
蓬巷何人更駐車，射策廣川同上第。
莫忘秋雨病相如。

科目何曾足重輕，蒲葵聲價藉公卿。

君蒲葵扇詩有也煩聲價藉公卿語

爲芸臺師所擊賞

林淵寄傲存高致，湖海生才有定評。
每假壯

游成絕技未應官，職損詩名安排拉。
燕招鶯局送汝看

花入 帝城

支枕一首

支枕懷人不自聊，連江寒雨正瀟瀟。
燈昏何事抽紅穗，篷響翻嫌比綠蕉。
如鐵被稜如水簟，隔簾釵股隔牕簫。
早知此夜荒寒甚，爛醉從教度寂寥。

偕冕士明經過海幢寺，寺僧以畫冊索題漫書一絕句，明經將計偕入都，故末語云然。

柴扃羈懸掩花關，席帽椶鞋客並閒。
題句未完人就道，何年同住畫中山。

西園吟社第六集消寒八詠

賣冰

相將入市豈無端敲碎玻璃當雪看論價合增于水遞
此時仍倚作山難沿街恰比人情薄竭澤何妨物力殫
買者不知寒徹骨資甌烹試小龍團

送炭

頓令容膝比春回坐榻無氈亦快哉盼切預從灰裏撥
交深方自雪中來炎涼故態思吾輩富貴殘年待此材
獨惜豪家相饋歲封題仍借汝叨陪

破橙

涼迸香漿瑩不流操刀如翦認并州亦倫柑橘偏難敵
取配薑椒得自由閑話偶編吾輩嗜

移橙閒話吾
粵何夢瑤著新詞

傳唱道君羞江門舊約論風味獨爲登臨碧玉樓

煨芋

天上酥醢決不如擁鑪餘火問園蔬清寒何必非遭遇
見清異錄凶歉無難早積儲味敵諸糧晨竈冷光分松節夜
聽虛十年宰相知無分僧寺埋頭且讀書

折梅

春在枝頭果十分滿身寒玉笑梨雲江山有雪偏逢汝
院落無花可伴君豈謂伶俜宜護惜未應持贈太殷勤
膽瓶獨對簾垂地並撫琴聲寂不聞

聽松

天地蕭森積翠濃無邊落木有笙鐘
沈寥更不聞孤鶴
肅殺何當起蟄龍
萬頃波濤心悄悄
五更風雨月溶溶
世人爭羨陶宏景
似此荒寒恐絕蹤

斫鱸

蘿蔔蓴菱靡不宜
嶺南歲歲菊開遲
自來竟倩誰調劑
鮮食都隨俗轉移
春水桃花客偶試
秋風蕤菜早相思
鱖魚鱸又黃魚鱸
恨匪兼逢小雪時

捫蝨

由來殺伐令須申
置喙能容自在身
謹小慎微誰策畫
索瘢爬垢獨精神
負暄兒女都隨俗
往日英雄太任眞

不特愧非王景畧并桓宣武亦無人

除夕小港看桃花同夢秋心蓮用東坡安國寺尋

春韻

不信江上吹東風二三里遠彤霞同風吹紛紛落花片
嘔軋櫓枝搖碎紅三百六日等閑度花亦笑人成老翁
茫茫人海正如沸豈知春在舸船中嫣然茅舍竹籬外
欲往尋春愁隔海秦后莊嚴初卷衣江妃便嬾與解珮
漏洩春光春可憐買醉敢吝青銅錢度歲匆匆又人日
花埭同看鼠姑發

樂志堂詩集卷一